



Adarna  
Fil  
398.356  
.V712b  
1999  
c.1

# Ang Barumbadong **BUS**



Kuwento ni  
RENE O. VILLANUEVA

Guhit ni  
JO ANN BEREBER-GANDO

"Ako ang hari ng Kalsada," sabi niya.  
Takot ang lahat ng jeep at kotse sa kaniya.  
"Sa daan, ako ang tunay na bida!"






Walang kinatatakutan si Kas.

Hindi siya takot sa jeep  
at sa kotse.

Hindi rin siya takot sa taxi.  
Kahit sa pulis at sa pasahero,  
hindi rin takot si Kas.



Ang bilis-bilis ng takbo ni Kas.  
Kaya takot na takot ang mga pasahero.

Para! Para-a-a-d!" sabi nila.

Pero humihinto lang si Kas kung saan  
at kailan niya gusto.

Pagbaba ng mga pasahero,  
nerbiyos na nerbiyos sila.

"Dahan-dahan lang ang takbo,"

sabi nila kay Kas.

Hindi sila pinansin ng barumbado.



Kahit pulis ay walang magawa.


"Ayan na! Ayan na si Kaskasero!"

Unahan ang lahat sa pagtakbo  
para iwasan ang bus na barumbado.

Talagang walang magawa ang lahat kay Kas,  
kahit ilang ulit siyang pagsabihan, talagang matigas ang ulo.

"Ako ang hari ng kalsada," lagi niyang sinasabi.

"Gagawin ko ang lahat ng gusto ko!"



Walang pinakikinggan si Kas.  
"Dahan-dahan lang, Kaskasero,"  
sabi ng mga halaman sa daan.

Binugahan lang sila ng usok ni Kas,  
saka nagtatawang humarurot nang husto.  
Inubo nang inubo ang mga halaman  
Pero hindi man lang lumingon  
si Kaskasero.

Sa loob-loob nya: "Yan ang  
mabuti sa pakialamero."  
At muli siyang kumaripas ng takbo.





Minsa'y kinausap siya ni Ulap.

"Wag ka namang buga nang buga ng usok."

Nangitím patí ilong ni Ulap.

Sa dumi ng usok, muntik na siyang maiyak.

"Salbahe talaga si Kaskasero!


Siya ay bus na walang modo."



Kahit ang araw at ang buwan ay walang nagawa kay Kas.  
Wala siyang pinakikiggan kahit na sino.

"Ako ang hari ng kalsada," ang katwiran niya.






Isang araw, naglasing si Kas.  
"Glug-glug-glug-glug."  
Inom nang inom si Kas.  
"Glug-glug-glug-glug."

Pinigilan siya ng ulap at ng araw,  
pero hindi nakinig si Kaskasero.

Glug-glug-glug-glug  
Glug-glug-glug-glug  
Glug-glug-glug-glug  
Glug-glug-glug-glug



BEEP BEEP BEEP  
BEEP BEEP BEEP  
BEEP BEEP BEEP  
BEEP BEEP BEEP


"Ako ang hari ng kalsada," sabi niya,  
saka bumusina nang bumusina.

Kahit lasing na lasing,  
naisip pa rin niyang magyabang.  
Kahit paekis-ekis ang mga gulong,  
pumaspas pa rin siya sa gitna ng daan.

Mabilis na mabilis ang takbo ni Kas.  
Mabuti na lang at wala siyang sakay.  
Lasing na lasing ang bus na walang modo.  
Ang bilis-bilis ng kaniyang takbo.  
Mas mabilis pa sa jeep.  
Mas mabilis pa sa taxi.  
Mas mabilis pa sa kotse.  
Pero hindi pa rin siya nasiyahan.  
Ang takbo'y lalo pa niyang binilisan!



Nabangga si Kas.  
Bali-bali ang bakal at ang tubo.  
Wasak ang makina  
at baluktot ang tambutso.  
Parang napisang lata si Kaskasero.



Hindi na ilit nakalabas ng daan si Kaskasero.  
Siya ay itinapon sa tambakan ng mga lumang sasakyen.  
Doon sa libingan ng mga walang modo,  
hindi na makapagyabang si Kaskasero.

